

三三醫書第二集第六種

痢疾明辯

杭州三三醫社出版

第 六 種
痢 疾 明 辨
提 要

本書一卷亦屬未刊稿本係社友常熟吳玉純君所錄惠爲暨陽壺蘆山人子虛子吳士瑛甫恬先生手著其自序題折肱心悟四字冠之蓋先生治痢之法經四十年之久而著此書自有心得可概想矣書中辨痢疾分六經列四綱自初症以至壞症及老人虛痢休息痢產後痢胎前痢噤口痢詳論古今方法之得失間附治驗各案允稱治痢專書臨證醫家當人手一篇也

痢疾明辨序

澄江之東南隅有龍沙山瑰奇靈秀代生名醫清道咸間有吳公甫恬醫名噪遐邇髫齡聞前輩談吳公軼事公於醉後診新產婦投以安胎藥隨診者不敢下筆先生促之翌日酒醒方疑慮間而病家來云復生一兒公乃狂喜曰吾三指固未嘗醉也鎮江將軍女病聞吳公名以重金聘之診公誤爲妾媵也診畢謂將軍曰非病也且喜得男將軍默然少頃公方膳將軍出謝曰先生果名醫也以一盤捧上蓋破腹而出者也公大驚由此得心疾其門下傳抄有痢疾明辨一書云傳自喻嘉言之甥舒進賢其大旨以南陽傷寒論六經爲主中分陷邪（外感六經陷下之邪）秋燥及時毒（即疫痢）滑脫四門實爲痢證特開生面併能闡發傷寒論之精義涵竊以是書爲可傳不敢自祕爰加校勘錄數語於簡端

痢疾明辨 序

民國十一年八月暨陽後學吳文涵謹序

折肱心悟痢疾明辨自序

嘗謂醫者意也通其意則靈不通其意則滯善用其意則巧不善用其意則拙余嘗有句云學醫漫說秘青囊用法全憑用意良又云讀書泥古非師古因證施方不執方甚矣醫貴通其意而尤必善用其意也何則道本無言因人以顯然一落言詮便著相矣渾言之而無所不通者聖言也專言之而條分縷析者凡言也然規矩在此繩墨在此熟於規矩繩墨之成法而能因時制宜處處參以活法而又動合古法斯爲至矣即如痢疾一門外因六氣之邪內因飲食之積又因疫癘之氣合而成病乃時氣也古之醫書每以臟病內傷下痢混同論治執死法者滯而不圓拘古法者泥而不變爰著痢疾之明辨分六經列四綱辨種種見證以及婦女胎產四十年來由折肱而心悟由心悟而知古今之得失一一辨之後之君子倘有通其意而善用其意者是予之所厚望也夫

痢疾明辨 自序

●咸豐七年歲次丁巳閏夏五月之吉江陰吳士瑛甫恬序

凡例五則

一痢疾由暑濕熱三氣夫人知之及至治病虛實不明表裏不辨用藥雜亂無章胸中全無把握故首列六經辨證以資考證明乎此則傷寒六經亦貫串矣

一痢疾四大綱嘉言喻氏扼要法渠甥舒進賢親承口授竊附鄙意公之同志一痢疾三陽最多皆因初起悞治或延久不治而入三陰從未有病起即見三陰者最宜分別

一醫案如州縣詳辦之成案所以印證諸病之寒熱虛實也辨證在此治法在此效驗亦在此閱之未免煩冗然皆臨證要法宜詳究之

一各條據實記載援古證今閱歷研究苦心悟出江浙兩省患者實在如是未知他省若何稽之宋元明以來殊多歧說惟河間丹溪之論若合符節故尊

之爲四大家景岳專於溫補遺外感而重內傷未免一偏之見歟

樣本庫

三三醫書第二集總目

11	10	9	8	7	6	5	4	3	2	1
溫證指歸	察病指南	醫醫醫	鬼遺方	伏邪新書	痢疾明辨	經歷雜論	醫學課兒策	千里醫案	崇實堂醫案	醫脈摘要

22	21	20	19	18	17	16	15	14	13	12
肯堂醫論	伏瘟證治實驗談	集驗背疽方	腳氣治法總要	發背對口治訣論	醫學妙諦	醫學說約	醫中一得	過庭錄存	延陵弟子紀要	女科折衷纂要

33	32	31	30	29	28	27	26	25	24	23
走馬急疔方	羊毛瘟證論	琉球問答奇病論	中風論	素問校義	治痢捷要新書	長沙證彙	金氏門診方案	證治心傳	傷科方書	和緩近風



折肱心悟痢疾明辨目錄

序

自序

凡例五則

辨痢之源

辨六經表裏陰陽虛實寒熱乃治痢要訣

辨痢大綱（引證附）

附上盛下虛陽明少陽熱邪太陰少陰厥陰裏寒一案

附少陽兼太陰陷邪一案

附三陽三陰六經之邪皆陷一案

附三陽陷邪兼太陰臟寒下痢赤白夾血一案

附陷邪未經透表而先下傷陰一案

秋燥（引證附）

附秋燥痢醫案

秋燥痢亦因歲氣盛衰

時毒（引證附）

附時毒醫案

滑脫（引證附）

附滑脫醫案

痢疾初起亦有用補塞者附錄一案備攷

痢因暑濕熱三氣

痢不獨濕熱

辨治痢與治瀉不同

辨痢屬大小腸之病

辨痢屬脾胃濕熱當分陰陽虛實

辨痢有燥矢凍係旁流

辨腹痛有火有滯有肝邪橫逆有傷藏陰之不同

辨痢不腹痛

辨痢七日以內用藥宜峻不可因循誤事

辨痢又不宜鹵莽峻攻致傷元氣

辨治痢用補中益氣湯之謬

辨治痢用二朮之謬

辨痢因邪滯廣腸所以藥力難到以致後重窘迫

血痢

附血痢色鮮色晦治驗

下痢血水

附暑熱下痢血水急證一案

下痢屋漏水

附錄醫案

下痢五色凍如魚腦

附五色痢醫案

痢疾發斑疹

久痢傷陰

附孫姜兩前輩醫案

痢疾呃逆

附醫案

噤口痢

繆仲淳治噤口痢神效方

胎前痢

產後痢

附醫案

休息痢

附休息痢又感新邪案

老人虛人患痢

附醫案

痢疾明辨
目錄

小兒痢

附醫案

折肱心悟痢疾明辨目錄終

痢疾明辨

三三醫書第二集第六種

暨陽壺蘆山人子盧子吳士瑛甫恬著

常熟吳玉純錄存
紹興裘吉生校刊

辨痢之源

痢疾一證古稱滯下乃時邪病也暑濕熱三氣之邪滯於腸胃三焦流行之機因此阻滯所下無非濕火蘊釀之積垢久之傷及腸中之脂液其現證裏急後重數至圞而不爽其腹或痛或不痛甚或痛之極故曰滯下蓋滯者氣血被濕熱凝滯之謂下者暴注下迫之謂也其病名最確又曰腸澼並無痢疾之稱後世謂之痢疾命名不切蓋痢者通利之謂也非滯下之後重窘迫明矣醫書每列於雜證門中初不指明爲溫暑時邪之疾且又與泄瀉連類而及混同論治虛實寒熱不分致後人誤以泄瀉之法治痢而於難經五泄之義茫然無所分

別徒知理脾健胃消導破氣溫燥亂進殺人無算殊不知小腸泄大瘕泄也夫痛必在少腹及當臍小腸部位也邪氣固結於下有似癥瘕痛則泄泄又不爽如有癰塊故曰大瘕泄也熱傷氣分白凍多熱傷血分紅凍多赤白相雜者氣血交病並非赤爲熱白爲寒也李士材王損菴諸賢皆有明論惜未究其本源海虞吳本立有痢證彙叅一書不過摭錄前人方論瑜瑕並收不知棄短取長編書者既少卓識又不能闡發此中精義何以爲治痢指南至倪涵初治痢三方徒令印定後人心目皆無足取惟嘉言喻子議論頗詳時醫亦不叅攷余數十年來目擊心傷臨證之暇殫心研究頗有一得聊與及門論之以期濟人顏曰痢疾明辨條陳於後不正其名而仍曰痢疾者從俗也不揣固陋就正有道倘蒙 高賢賜教則幸甚

辨六經表裏陰陽虛實寒熱乃治痢綱要